

24. maj 2012

Inatsisartut suleriaasianni § 37 immikkoortoq 1 naapertorlugu Naalakkersuisunut apeqqutit imaattut saqqummiuppakka.

1. **Qaleralinniarneq eqqarsaatigalugu aaqqissusseqqinnermi Upernaviup Uummannap kiisalu Ilulissat aqutsiveqarfiini nunaqarfittai tamaasa ilanngullugit aalisartut qassit akuersissummik tunineqanngillat?**
2. **A. Qaleralinniarlutik nutaamik aallartinniartut inuusuttut qassit qinnuteqarsimappat?
B. Qassit akuerineqarpat?
C. Qassit itigartinneqarpat?**
3. **A. Angallatit qassit ukiut pingasut iluanni arlaatigut akornuteqarlutik aalisarsimannngitsut qassiuppat?
B. Qassit akuersissummik tunineqarpat?
C. Qaleralittassinneqarsimappata tonsit qassit angallammut ataatsimut pisassiissutigineqarpat?**
4. **Angallatit ukiut pingasut iluanni akornuteqarlutik aalisannngitsut qanoq annertutigisumik Namminersorlutik Oqartussanut taarsigassarsiaminnut aningaasanik qassinik akiligassaqarpat?**
5. **Aalisartut ilaat angallatimi arlaatigut akornuteqarnerat pissutigalugu aalisannngitsut alloriaqqinnissaat eqqarsaatigalugu qanoq iliortoqarniarpa, aalisarnissamut akuersissummik tunineqarnissaat eqqarsaatigalugu?**
6. **A. Qasigiannuani Aasiaanni Qeqertarsuarmi Kangaatsiamilu nunaqarfittaanilu aalisartunut akuersissutit qassit tunniunneqarpat?
B. Qassit itigartinneqarpat?**

Tunngavilersuut:

Qaleralinniarnermi nutaamik aaqqissusseqqinnermi ilaatigut aalisartut massakkumut arlallit toqqaannartumik ikiortissarsiorlutik politikerinut saaffiginnittuarterput akuersissummik amigaateqarnertik pissutigalugu, aammalu aalisartut inuusuttut ilaatigut saaffiginnittaraluarlutik itigartinneqartarsimapput uffalu allamik inuussutissarsiuutissaminnik periarfissaqanngitsut. Aammalu alisartut ilaat angallatimi arlaatigut akornuteqarnerat pissutigalugu aalisannngitsut alloriaqqinnissaannut ikiorsertariaqarmata. Apeqqutikka ullut qulit iluanni akineqarnissaat qinnutigaaara.

Ikinngutinnersumik inuulluaqqusillunga
Hans Enoksen, Siumut